



**REPUBLIKA E KOSOVËS**  
REPUBLIKA KOSOVA – REPUBLIC OF KOSOVO  
GJYKATA THEMELORE GJAKOVË

---

Numri i lëndës: 2018:020091

Datë: 04.12.2018

Numri i dokumentit: 00182142

**P. nr.371/2018**

**NË EMËR TË POPULLIT**

**GJYKATA THEMELORE NË GJAKOVË-Departamenti i Përgjithshëm**, Gjyqtarja **Ilirjana Hoti**, me sekretaren juridike Flutur Nagvci, në çështjen penale kundër të akuzuarit K. B. nga fshati Rr., Komuna e Gjakovës, për shkak të veprës penale të vjedhjes së shërbimeve komunale nga neni 320 të KPRK-së, sipas Aktakuzës të Prokurorisë Themelore - DP në Gjakovë, PP.nr.659/2018 të dt.24.05.2018, në shqyrtimin fillestar, të mbajtur më datë **13.11.2018**, në prani të Prokurorit të shtetit Armend Zenelaj, si dhe i akuzuari K. B., të njëjtën ditë mori dhe publikisht shpalli këtë:

**A K T G J Y K I M**

I akuzuari **K. B.** nga fsh. Rr.j K Gjakovë, data e lindjes ..., i biri i S. dhe i nënës H. e gjinisë G., ka te kryer shkollën fillore, i pa punë, i gjendjes se dobët ekonomike, shqiptar, shtetas i R. Kosovës, martuar atë i 2 fëmijëve, ID ....

**Ë s h t ë f a j t o r**

**Për shkak se :**

**-me datë të pa vërtetuar e deri me dt.11.01.2018**, në shtëpinë e tij në fsh. Rr., K. Gjakovë, me qëllim që vetit ti sjellë përfitim pasuror të kundërligjshëm, me qëllim fitimi në mënyrë të pa autorizuar ka shfrytëzuar energjinë elektrike atë mënyrë që te konsumatori, është konstatuar se në shtëpinë e tij, njëtori elektrik nr...., i ka vendosur hyrjet dhe daljet në një vend duke penguar kështu regjistrimin e energjisë së shpenzuar elektrike, konstatuar nga zyrtarë të autorizuar të K.-it nga kontrolla, me çka të dëmtuarës K.-Divizioni i Rrjetit-Distrikti në Gjakovë i ka shkaktuar dëm në shumën prej 142.37 euro.

**-me çka ka kryer veprën penale të vjedhjes së shërbimeve komunale nga neni 320 të KPRK-së**

Andaj Gjykata në bazë te nenit 4,7,17,41,46,49,50,51,52 par.5, 73 ,neni 320 të KPRK-së dhe nenit 365 të KPP, të akuzuarit ia shqipton :

**DENIM ME KUSHT**

Dënim me burgim ne kohëzgjatje prej **3(tre) muajve** dhe dënim me gjobë ne **shumë prej 100.00 (njëqind) euro**, të cilat dënime nuk do te ekzekutohen nëse i akuzuari brenda kohës se verifikimit ne afatin prej 1 (një) viti ,nuk kryen ndonjë vepër tjetër penale.

E dëmtuara K. - Distrikti në Gjakovë për realizimin e kërkesës pasurore juridike udhëzohet ne kontest te rregullt civil.

I akuzuari obligohet që të paguaj shpenzimet procedurale të përcaktuara nga gjykata si dhe në emër të paushallit gjyqësor të paguaj shumën prej **20,00 €**, në afat prej **15 ditëve**, pasi që Aktgjykimi të merr formë të prerë ,nën kërcënim të përmbarrimit me dhunë.

### **A r s y e t i m**

Prokuroria Themelore në Gjakovë, me aktakuzën PP.nr.659/18 të dt.24.05.2018, e ka akuzuar të akuzuarin K. B., nga fshati Rr, Komuna e Gjakovës, për shkak të veprës penale vjedhje e shërbimeve komunale nga neni 320 të KPRK-ës.

Prokurori i shtetit Armend Zenelaj e lexon aktakuzën PP.nr.659/18 të dt.24.05.2018, me ç' rast prokurori deklaroi se mbetet ne tërësi pranë aktakuzës.

I akuzuari K. B., lidhur me fajësinë thekson se e pranon ne tërësi fajësinë sipas aktakuzës me te cilën pandehet duke i ditur edhe me pare pasojat e pranimit te fajësisë dhe atë ne mënyrë vullnetare dhe pa presion, me qene se një gjendje e tillë është konstatuar nga punëtorët e K.-it ,shtojës se me pranimin e fajësisë jam penduar për veprën e kryer për shkak te gjendjes se dobët ekonomike , premtoj se një veprim i tillë nuk do te përsëritet, shprehi gatishmërinë e kompensimit te demit te dëmtuarës nëse me ta arrijë marrëveshje për pagës me këste ,andaj i propozoi gjykatës qe duke marr parasysh rrethanat lehtësuese si pranimi i fajësisë , gjendjen e dobët ekonomike ,me qene se jetojë ne familje prej 7 anëtarëve , ku vetëm unë realizojë te ardhura si punëtor krahu, si dhe faktin se është hera e pare qe kam ra ndesh me ligjin te me shqiptojë një dënim me te butë.

Duke u deklaruar lidhur me pranimin e fajësisë nga ana e të akuzuarit, Prokurori i shtetit Armend Zenelaj, deklaroi se nuk e kundërshton pranimin e fajësisë pasi qe i njëjti është i vetëdijshëm për pasojat dhe favoret juridike te pranimit te fajësisë ,dhe se aktakuza ka mbështetje ne provat materiale qe gjenden ne shkresat e lendes dhe i propozoi gjykatës qe i njëjti te shpallet fajtor te dënohet sipas ligjit po ashtu i njëjti te obligohet ne pagesën e shpenzimeve procedurale ndërsa e dëmtuara te udhëzohet ne kontest civil.

Ne shqyrtimin fillestar gjykata ka vërtetuar këtë gjendje faktike:

Në tërësi u vërtetua se i akuzuari K. B.: **me datë të pa vërtetuar e deri me dt.11.01.2018**, në shtëpinë e tij në fsh. Rr., K. Gjakovë, me qëllim që vetit ti sjellë përfitim pasuror të kundërligjshëm, me qëllim fitimi në mënyrë të pa autorizuar ka shfrytëzuar energjinë elektrike atë mënyrë që te konsumatori, është konstatuar se në shtëpinë e tij, njëtori elektrik nr.32593126, i ka vendosur hyrjet dhe daljet në një vend duke penguar kështu regjistrimin e energjisë së shpenzuar elektrike, konstatuar nga zyrtarë të autorizuar të K.-it nga kontrolla, me çka të dëmtuarës K.-Divizioni i Rrjetit-Distrikti në Gjakovë i ka shkaktuar dëm në shumën prej 142.37 euro.

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari i cili ne shqyrtimin fillestar vullnetarisht ka pranuar fajësinë, për shkak te se cilës gjykata nuk ka administruar provat ,gjykata ka ardhur ne përfundim se pranimi i fajësisë nga i akuzuari është bere ne pajtim me nenin 248 te KPPK-ës. Gjate pranimit te fajësisë gjyqtari i vetëm gjykues konstatojë se i akuzuari ka kuptuar natyrën dhe pasojat e pranimit te fajësisë ,pranimi është bere vullnetarisht nga i akuzuari, pranimi i fajësisë mbështetet ne faktet dhe provat qe i përmban aktakuza ,në materialet e prezantuara nga prokurori i shtetit dhe çdo provë tjetër dhe se aktakuza nuk përmban asnjë shkelje te qarte ligjore ose gabime faktike dhe se nuk ekzistojnë asnjë nga rrethanat e parapara në nenin 253 par.1 dhe 2 të KPP-së.

Gjykata nga te cekurat me lartë ka ardhur ne përfundim se ne veprimet e te akuzuarit formohen te gjitha elementet e veprës penale te përshkruara si ne dispozitiv te këtij aktgjykimi dhe për këtë ka vendosur qe te akuzuarin ta shpall fajtor dhe ta gjykojë ne bazë te ligjit ,me pare duke vërtetuar përgjegjësisë penale juridike te tij.

Me rastin e matjes së dënimit, gjykata ka pasur parasysh të gjitha rrethanat nga neni 73 të KPRK-së, të cilat ndikojnë në zbutjen apo ashpërsimin e dënimit. Rrethana rënduese nuk gjeti ndërsa si rrethana lehtësuese gjykata ka marrë parasysh personalitetin e të akuzuarit se është mbajtës i familjes prej 7 anëtarëve , ku vetëm ai realizon te ardhura si punëtor krahu, i gjendjes se dobët ekonomike, pranimin e vullnetshëm të fajësisë nga i akuzuari, sjelljen korrekte të akuzuarit në gjykim, premtimin se ne te ardhmen nuk do te kryej veprat e tilla, si dhe faktin se më parë nuk ka qenë i dënuar, të cilat rrethana ndikuan që Gjykata ti zbatoi dispozitat e zbutjes së dënimit të parapara me nenin 75 të KPRK-së Gjykata të akuzuarit i shqiptoi dënim me burg ne kohëzgjatje prej 3(tre) muajve dhe dënim me gjobë prej 100.00 (njëqind ) euro të cilat dënime nuk do të ekzekutohen nëse i akuzuari në afatin prej 1(një) viti te mos kryej ndonjë vepër tjetër penale, me bindje se edhe me këtë dënim do të arrihet qëllimi i dënimit i paraparë nga neni 41 dhe 50 të KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Vendimi për udhëzimin e palës se dëmtuar ne kontest civil për realizimin e kërkesës pasurore juridike është marr bazuar ne nenin 463/2 te KPP-ës.

Vendimi mbi shpenzimet e procedurës penale dhe paushalli gjyqësor bazohet në dispozitat e nenit 450 par.1dhe 2 nën paragrafi 2.6 te KPPK-së.

Nga sa u tha më lartë u vendos si në dispozitiv të këtij Aktgjykimi .

**GJYKATA THEMELORE NË GJAKOVË,  
P.nr. 371/18 më datë 13.11.2018**

**Sekretarja juridike  
Flutur Nagavci**

**Gjyqtarja  
Ilirjana Hoti**

**KËSHILLA JURIDIKE:** Kundër këtij Aktgjykimi mund të paraqitet ankesë ,në afatin prej **15 ditësh** ,nga dita e marrjes se tij ne dorëzim ,Gjykatës së Apelit ne Prishtinë Ankesa në kopje të mjaftueshme i dorëzohet kësajGjykate

Numri i lëndës: 2018:020091  
Datë: 04.12.2018  
Numri i dokumentit: 00182142